



## Baltiskas senrīksenes (kriwūlis) tēman en 2013 m. – Swintan pannu be bilā

Tirts baltiskas senrīksenis en Prūsai ėmpirsin sadinna jāu etwijāntin si etrīnkta swintiskwas tradiciōnin be šin rēizan ast palīkitan swāikstu, pannu be billai.

**Seisei swāikstisku** – bilāimai, kaddan perdwigubasnā be niaušaudiwīngisku ebstege nūsan gīwatan. Staddan baltan zinātajs endegga upperausnas altārin, zmūnei panniskan adder liktins be gīwan pannu etprīskina be enspārtina drūwin nusēisan dūsin.

Swītan be mes ekzistīmai dīnkun swāikstu, kawīdan dāst nūmans Saūli be lāuksnas, Swintan pannu, prei kawīdan wartinnimai si en Dēiwan emnin: Prūsai wartinna si prei Pannike, Laītajai prei Gabeja, Lattawjai prei Uguns. Bilā ast nišlaitinnaminan en swāikstas pazināsnas be aumenewīngiskwas kōntekstu. Bilāi wīdikai spārtan sēisan sirzdau swāikstan be pannu. Prūsiskai swāikstan ast bilītan „swāikstan”, adder swāikstas Dēiws „Swāikstiks”. Laītajai pat pazināi tennan kāigi „Švaistika” adder „Žvaigždikī”. „Švaistiklio” zentlin tēntiskai ast Romuvas simbōlin.

Prūs ast ristan sen waīsnan ezze swintan pannu be ezze swintas pannus zentlisnan en zmūnes gīwatai. Deinā be dainā bēi swāikstas zentlin en nusēimans seīlins. Zinātajans, kawīdai waīda kāi wirdāi en billai enpīda tuldīsnan, drūwin be nadruwīsnan, bilāi dei mukinnewjai. En Laītawai ast zinātan wīrds išprūšes zentlīnts iztikīnts zmūi. Šai determinantai (atitikmenys) preiminijja nūmans ezze prawūrans kriwwins (žynys), kawīdai wūrai mukinnusis ezze swāikstas rīkas tikrōmins be tenēisan perlānksnan ezze Deiwammans.

Pannu wisaddan bēi na pirman deīktan per Dēiwans, tennan lāpau na prābutiskan upperausnas altārin prei swintans anzanans, tappinuns zmūnins en butammans be izwinandau, ebkaīlina gemāntins be zignāi aulaūwusins.

### **Stesse paggan bilāi dei mans per pannus zmūnintajans.**

Swāikstisku ast wisaddan sēitan sen swintiskwan, stesse paggan en billai wīrst swints perēit ezze wīrdan swāikstisku. Lāuks ast gaīlin, ėmprikistalīntin kīrsnasmu be timrāmans bārwins. Swāikstisku ast wisaddan nadruwisnā be drūwis. Gaīlai rūkai bēi lānkinan be māuki dins kriwwjai (žyniai), kāigi dīgi zmūnei.

Etgemānti prūsan gintu šlāit swajjan billas gaiwīnsnan, ni mazīlai identificītun si be jāustun si prūsai, kāigi laītajai be lattawjai šlāit swajjan billin ni bilīlai si laītajai be lattawjai. Baltiskas billas ast palīgu, wūrai turēi drāugan saknin. Nūmans, baltamans bilā ast swintisku, kawīdsei dīnkun pazinnimai swītan, mukinnimai swajjans malnīkans pazinātun, ka ast rāman adder ka ni be kāigi giwītwei en līguswaru sen Dēiwans, zmūnins be Dabban. Spārtai deznai mes jāūtimai perōnin sīndantei prei panniskan, kwei pannu sejja mans en aīnan skrittān be pakīwina, spārtina nūsans dūsins.

*Tirtī senrīksenes – baltiskas kriwūlis kōnferenci sēisei wissans baltan gintuns, kāigi pannu sejja šans, kawīdāns ast prei tennan preigūbusis. Baltiskas billas etgīmsei, spārtinsei si, be paplātinsei si. Kāigi pannu sklajja timran, tīt baltan aīnibis swāikstan sklāisei niaušaudīnsnas be kitawīdina din en drāugan drūwin.*

